

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA OLOVO  
OPĆINSKO VIJEĆE**

Broj: 01-01-3 17/15 /21  
Datum: 25.10.2021. godine

Na osnovu člana 13. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09), člana 24. Zakona o ravnopravnosti spolova u Bosni i Hercegovini („Službeni glasnik BiH“, broj: 16/03 i 102/09, prečišćeni tekst broj: 32/10), Gender akcionog plana BiH (Ministarstvo za ljudska prava i izbjeglice - Agencija za ravnopravnost spolova Bosne i Hercegovine, oktobar 2018. godina), u skladu sa članom 18. stav 1. alineja 4. Statuta općine Olovo („Službeni glasnik općine Olovo“, broj: 2/07, 4/08, 7/18 i 8/19) Općinsko vijeće Općine Olovo na sjednici održanoj dana 25.10.2021. godine, *d o n o s i*

**ODLUKU**

o pristupanju izradi Gender akcionog plana Općine Olovo  
za period 2021.–2025. godina

**Član 1.**

Općina Olovo, u cilju poduzimanja odgovarajućih i potrebnih mjera radi provođenja odredbi Zakona o ravnopravnosti spolova u Bosni i Hercegovini i Gender Akcionog Plana Bosne i Hercegovine, pristupa izradi Gender akcionog plana Općine Olovo za period 2021.–2025. godina.

**Član 2.**

Nosilac aktivnosti na izradi Gender akcionog plana Općine Olovo za period 2021.-2025. godinu je Komisija za pitanje mladih i ravnopravnost spolova, sport, kulturu i nevladin sektor Općinskog vijeća Olovo (u daljem tekstu: Komisija).

Zadatak Komisije je da, u skladu sa Gender akcionim planom Bosne i Hercegovine za period 2018.-2022. godine, definiše prioritete i transferzalne oblasti djelovanja koje se odnose na jačanje sistema, mehanizama i instrumenata za postizanje ravnopravnosti spolova u općini Olovo, te izradi Gender akcioni plan za osnaživanje ravnopravnosti spolova u općini Olovo.

**Član 3.**

Stručno-administrativnu i tehničku podršku u radu Komisije, u ime Općine Olovo, pruža radna grupa koju rješenjem imenuje Općinski načelnik.

**Član 4.**

Komisija i Radna grupa koordiniraju procesom izrade i provođenja ovog plana tako da u tom procesu ostvaruju saradnju sa UNDP u Bosni i Hercegovini, Stručnom službom Vlade FBiH

Gender Centar, te organizacijama civilnog društva, socijalnim partnerima i akademskom zajednicom.

#### Član 5.

Nacrt Gender akcionog plana Općine Olovo za period 2021.-2025. godine dostavlja se na razmatranje Općinskom vijeću i sastavni je dio ove Odluke.

Općinsko vijeće Olovo utvrđuje Nacrt Gender akcionog plana Općine Olovo za period 2021.-2025. godine i upućuje ga na javnu raspravu u trajanju od 15 dana.

#### Član 6.

Rok za izradu Gender akcionog plana Općine Olovo za period 2021.-2025. godine je dva (2) mjeseca.

#### Član 7.

Ova Odluka stupa na snagu danom objavljivanja u „Službenom glasniku Općine Olovo“

Dostavljeno:

1. Općinski načelnik,
2. Služba za ekonomske poslove-2x,
3. Evidencija,
4. a/a.

**PREDSJEDAVAJUĆI  
OPĆINSKOG VIJEĆA**

**Amir Muminović, BA poslovanja**

